

DE ORATIONE, ET NOMINE.

Cap. 1.

- 1 **O** Ratio est apta connexio, atque dispositio uerborum ex dictionibus conflata ad aliquid significandum; ut, *Pètre misli ò smàrti. Petre cogita de morte.* Diuiditur autem Oratio etiam apud nos, ut apud Latinos in octo partes, hoc est, Nomen, Pronomen, Verbum, Participium, Aduerbium, Prepositionem, Interiectionem, & Coniunctionem. Ex quibus quatuor, Nomen, Pronomen, Verbum, & Participium declinantur. Reliquæ uerò sunt declinationis expertes: de quibus singulis suo loco tractabimus.
- 2 Iam uerò ad primam Orationis partem propius accedamus, cuius hæc potest esse descriptio: Nomen est pars orationis declinabilis per casus, ac nullius significatiua temporis. Diuiditur autem Nomen in duas quasi species, Substantiuum, & Adiectiuum. De Adiectiuo hoc loco nihil. Substantiuum uerò est illud, quod in oratione per se esse potest, ut, *Voyvòda zapovída, Dux imperat. Voyník poslùsca; miles obtemperat.*
- 3 Commodè partiri potest Nomen Substantiuum in Nomen Proprium, Appellatiuum, & Collectiuum.

Pro.